

Næringsliv

MANDAG **FORSKNING & UTDANNING** * TIRSDAG **EU** * ONSDAG **INTERNASJONALT LANDBRUK** * TORSDAG **NÆRINGSLIV** * FREDAG **MAT** * LØRDAG **NYSKAPNING**

Jordbruksavtalen frå 2008 kan stoppe Nortura-framlegg om å kompensere bønder som vil slutte å produsere gris.
– Det juridiske grunnlaget er uklart, seier forskar.



For mange: Det er for stor produksjon av svinekjøtt i Noreg i dag, og næringa drøftar kva tiltak som må setjast i verk.

* MARKNADSREGULERING

Uklart korleis tiltak for svine

Dei neste vekene skal jordbruket sine organisasjonar drøfte kva tiltak som må setjast i verk for å få bukt med overproduksjonen i svine næringa. I fleire år har næringa slite med overproduksjon, og Nortura sine prognosar tyder på at det blir produsert 5100 tonn for mykje gris neste år.

Nortura føreslo i september at grisebønder som ynskjer å slutte eller leggje om drifta blir kompensert for det. I førre veka sette Landbruks- og matdepartementet foten ned for framlegget frå Nortura, og svarte til at dei ville vera brot på Jordbruksavtalen frå 2008.

Purker og slaktegris

Per Christian Rålum leier seksjo-

nen for utgreiing ved Norsk institutt for landbruksøkonomisk forskning (NILF), og ekspert på marknadsregulering i jordbruket. Han seier jordbruksavtalen frå 2008 er uklart.

– Eg opplever teksten som uklart, og at han difor kan misforståast. Avtalen slår fast at det ikkje skal kunne drivast marknadsregulering for purkekjøtt, men det er jo slaktegrisen som er det sentrale. Det er framleis marknadsregulering for slaktegris. Spørsmålet er kva slags produksjonsregulering som då kan skjje på slaktegris. Der er reduksjon eller slakt av purker det mest effektive tiltaket, seier Rålum.

– I tilfelle har då partane i jord-

bruksforhandlingane i realiteten tatt ut det mest effektive tiltaket for produksjonsregulering av slaktegris, utan å nemne slaktegris i proposisjonen, seier han.

Rålum seier at om denne tolkinga blir lagt til grunn, har Listhaug sitt på det tørre.

– Spørsmålet då er om alle er

innforstått med tolkinga, og det i seg sjølv er uheldig. Marknadsreguleringa er ei ordning som er meint for bøndene, og blir betalt av bøndene. Når det blir omtala i jordbruksavtalen bør partane etterstreve å vera samde og tydelege. No ser dei ut til å vera uenige, seier Rålum.

FOR OG AV

«Marknadsreguleringa er ei ordning som er meint for bøndene, og blir betalt av bøndene.»

PER CHRISTIAN RÅLUM
AVDELINGSLEIERN I NILF

Partane som forhandlar fram jordbruksavtalane er Bondelaget, Norsk bonde- og småbrukarlag og staten.

Burde vore tydelegare

Rålum seier at når reguleringane ikkje har gjennompreta balanse i markedet, er situasjonen alvorleg for svine næringa. Ansvaret for overproduksjon er lagt til næringa og Omsetningsrådet er forumet som skal gjera slike vurderingar. Når statsråden flagga standpunkt såpass sterkt før diskusjonen har vorte teken i Omsetningsrådet, blir næringa sitt ansvar skruvd utover sidelinja.

– Kva moglegheiter finst det til å regulere produksjonen?

Trur på kronehjelp for hotell

REISLIV. Dersom kronkursen held seg på dagens nivå, blir det Dagens Næringsliv. Sommars-tid er rundt 80 prosent av gjestene på hotellet frå utlandet.

Edmund Harris Utne på Hotel Ullensvangi Hardanger.

– Det kan bety pluss sju-åtte prosent vekst frå viktige euro-

peiske marknader, seier Utne til Dagens Næringsliv. Sommars-tid er rundt 80 prosent av gjestene på hotellet frå utlandet. Effekten av den svake krona materialisera seg i auka utan-landstrafikk til vinteren, ifølgje innovasjon Noreg. ©NPK

FOTO: MARIANN TVETE



Pizza-bygda kan få kake og lefse

MAT. Orkla ser på moglegheita for å flytte kake- og lefseproduksjonen frå Sørlilærne til Pizzabygda Stranda i Møre og Romsdal. Det vil i så fall generere fleire tital arbeidsplassar.

– Eg kan bekræfte at vi er positive til å gå for ei slik løysing

dersom Orkla går til det skritt og avviklar drifta i Lærne og Nord-Trøndelag. Samtidig har vi stor forståing for at det er trassig for Sørlilærne dersom hjørnesteinsbedriften og over 100 arbeidsplassar forsvinn, seier Hans Jostein Langlo til Sunnmørsposten. ©NPK

NILF lagar rapport for Virke

I slutten av november vil Norsk institutt for landbruksøkonomisk forsking presentere ein rapport om marknadsreguleringa.

Oppdragsgjever for rapporten er Virke.

– Med bakgrunn i smørkrisa, kjøttkriser og mogleg mjølk-kriser og det me har erfart, har me vore usikre på kor god marknadreguleringa verkar, seier direktør i Virke Handel, Thomas Angell.

Han avviser at det er eit forsøk frå Virke på å fjerne marknadsordninga.

– Me er ikkje mot marknadsregulering, og rapporten er ikkje eit opplegg for å fjerne ordninga. Me ynskjer å få drøfta og analysert ulike former for marknadsregulering, korleis ordninga verkar i dag, og om det trengst å skisserast alternative måtar å drive marknadsregulering på, eller om noko kan betrast i dag. Finst det til dømes alternativ som kan ta vare på landbrukspolitikken og andre relevante aktørar utan å medføre unødige reguleringsskostnader, seier Angell.

Han seier Virke vil få fyrste gjennomgang av funna på styremøte om to veker, og at føremålet med rapporten er å bidra til debatten om mellom anna landbrukspolitikk.

Utgreiar ved NILF, Per Christian Rålm, leiar arbeidet med rapporten. Han seier NILF har prata med eit breitt spekter av aktørar, mellom anna innkjøpsjefar i daglegvarehandelen, marknadsregulatorane, industrien, interesseorganisasjonar og bønder.

– Me har hatt kvalitative undersøkingar, drøfta marknadsreguleringa, prata med alle ledd i verdikjeda og snakka om fordelar og ulemper for kvart enkelt ledd og aktør, seier han. Rapporten blir presentert i slutten av november.

FOR REGULERING «Rapporten er ikkje eit opplegg for å fjerne ordninga.»

THOMAS ANGELL
DIREKTØR I VIRKE HANDEL




FOTO: SIRI JUELL RASMUSSEN

regulering kan tolkast

– Om ein ikkje kan regulere produksjonen gjennom reduksjon av talet på dyr, er det einaste produksjonsregulerande tiltaket å redusere vekta på slaktegrisen eller bygge opp lager. Lagra er fulle, og når Nortura som marknadsregulator berre slaktar om lag 65 prosent av all grisen i Noreg, skal det litt til at alle fylgjer opp vektgrensar. Det er enkel spelteori, seier Rålm.

Ifylgje forskar Ivar Pettersen ved NILF er det ein prinsipielt utfordrande situasjon om det synest seg at Landbruksdepartementet hindrar Omsetningsrådet i å føreta effektiv regulering av marknaden for svinekjøtt.

– Jordbruket ber sjølv kost-

naden ved marknadsregulering og overproduksjon. Om det er ei overprøving av eit slikt vedtak frå Omsetningsrådet vil det innsever landbruket sitt høve til å regulere. Det styrker argumenta for ei brei drøfting av marknadsreguleringa, seier han.

Gir stabil pris til bonden

Rålm seier marknadsregulering har bidrege til prisstabilitet for bonden, og også til ein viss grad i forsyningsmarknaden.

– Den prisstabiliteten som marknadsreguleringa har gitt trur eg har vore ein føresetnad for at norske bondar har akseptert lågare lønsemd. Hadde svingingar i prisen vore større, ville også risikoen

Fakta

Mangel: Tine fekk kritikk for å ikkje ha klart å regulere smørmarknaden under smørmangelen i 2011.

FOTO: MARIANN TVETE

Marknadsregulering

- Har heimel i Omsetningsloven.
- Gir Omsetningsrådet rett til å avgjera reguleringstiltak.
- Samvirka Nortura, Tine og Norske felleskjøp har ansvar for gjennomføringa av marknadsreguleringa.
- Ordninga blir finansiert ved at bondene blir trekt eit fast beløp per kilo kjøtt eller mjølk.
- Beløpet blir fastsett av Omsetningsrådet.
- Omsetningsrådet er sett saman av representantar for styresmaktene, forbrukarane, faglag, samvirkeorganisasjonane, industrien og handelen.

Grisepriskrisa

- Dei siste åra har det vore overproduksjon av svinekjøtt i Noreg.
- Forbruket har svinekjøtt har gått noko ned dei siste par åra.
- Saman med ein meir effektiv produksjon har det gitt stor overproduksjon.
- Nortura anslår at overproduksjonen i 2014 blir på 5100 tonn.
- Nortura har foreslått å kompensere bondar som vil slutte med gris.
- Landbruksdepartementet har avvist framlegget.



Betalar sjølv: Forskar Ivar Pettersen ved NILF seier jordbruket ber sjølv kostnaden ved marknadsregulering og overproduksjon.

FOTO: KETIL BLOW HAUGSTULEN